

Foundation Programme in Literacy, Numeracy and Skills

KREOL MORISIEN
GRADE 8

Teacher's Guide



Mauritius Institute of Education
under the aegis of



**Ministry of Education &
Human Resource**

Dr Ajay RAMFUL

- Head, Curriculum Development, Implementation
and Evaluation

KREOL MORISIEN PANEL

MAURITIUS INSTITUTE OF EDUCATION

Dr Shrita HASSAMAL

- Lecturer (Panel Coordinator)

Mrs Béatrice Priscilla Anthony

- Educator

Mrs Deeptibye Bhikea-Narayan

- Educator

Mrs Rani Dunput Latchimeenia

- Educator

Proof Reading: **Dr Beatrice Antonio-Françoise**

GRAPHIC DESIGNER

Leveen NOWBOTSING



KREOL MORISIEN

Teacher's Guide: GRADE 8 - Lesson 1

Shopping

Anou diskite



Kestion Obzervation

- Dekrir seki to pe trouve dan sa foto lao la?
- Ki li pe ilistre?

Instriksion pou profeser:

- Profeser koumans sa sesion-la avek bann kestion.
- Li pou osi ekri bann repons lor tablo.
(*Kapav fer enn mind-map pou fasilite laprantisaz ek konpreansion.*)
- Amenn zelev reflesi lor diferan rezon fer shopping: pou aste manze, pou aste linz, soulie, zouti, fournitir lekòl, etc..
- Amenn zelev reflesi lor diferan fason fer shopping: dan bazar / ti-bazar dan landrwa, dan sipermarse, dan laboutik, dan tabazi, dan bann shopping mall, magazin, libreri, kinkayri, etc..
- Profeser kapav poz bann lezot kestion ki adapte pou amenn zanfan partisip dan diskision ek devlop zot lespri kritik.

Kestion Diskision

1. Dapre zot ki savi dir shopping? Eski zot finn deza tann sa mo-la? Kotsa?
2. Ki bann exanp shopping zot kone?
3. Eski zot al fer shopping ek zot paran? Avek kisann-la zot al fer shopping ankòr?
Kot zot al fer shopping avek zot paran/kamarad?
4. Ki linportans fer shopping? Kifer dimounn fer shopping?
5. Ki so lefe lor lavi enn dimounn? Lor zot lavi?
6. Ki frekans zot fer shopping dapre seki zot pe aste?
7. Kot zot gagn kas pou fer shopping?
8. Fer diferans ant shopping ki vreman nesese ek shopping ki fer par plezir.

Aktivite 2: Deba dan klas.**Instriksion pou profeser:**

- Diviz klas an 2 group. Sak group pou pran enn laspe kestion-la ek prepare pandan 15 minit avan vinn prezant li devan klas.
- Donn soutien bann zelev pou rod lide pou diskision ek preparasyon zot argimantasyon.

Opsion 1:

Eski shopping enn fason pou destres zot ouswa li fer zot depanse san kontrol?

Opsion 2:

Eski fer shopping online meyer kifer shopping dan magazin?

KREOL MORISIEN

Teacher's Guide: GRADE 8 - Lesson 2

Shopping

Observ sa poster-la ek anserkle bann bon repons

Instriksion pou profeser:

- Akonpagn zelev dan lektir ek konpreansion sa poster-la.
- Ankouraz zelev gagn enn diskision lor bann eleman ki ena dan poster-la.
- Amenn zelev observe, reflesi ek diskrit lor bann eleman ki atir zot latansion dan poster-la: Kouler, lekritir, foto, 25% off, Flash Sale etc..



Aktivite 1: Anserkle bon repons

1. Poster-la pe koz lor _____

- A. Flash Sale
- B. ogmantasion pri
- C. prodwi kado

2. Komie poursan diskount pou gagne?

- A. 20%
- B. 50%
- C. 25%

3. Ki prodwi an promosyon?

- A. Frizider
- B. Portab
- C. Four

4. Bann _____ ousi an promosyon.

- A. smartwatch
- B. kab
- C. brasle

5. Shopping-la bizin fer _____

- A. online
- B. dan magazin
- C. par telefonn

6. Kan ena promosyon-la?

- A. 20-21 Desam
- B. 20-21 Avril
- C. 14-15 Septam

7. Portab-la so kamera li _____




- A. 64MP
- B. 20MP
- C. 96MP

Instriksion pou profeser:

- Amenn bann zelev idantifie bann item ki finn done ek diskite kot kapav aste zot.
- Demann bann zelev amenn zot sizo ek lakol.
- Si bizin, kapav servi bann brosir sipermarse pou gagn bann zimaz.

Aktivite 2: Idantifie ki item zot kapav gagne inikman dan sipermarse ek pa dan bazar

- Bazar
- Sipermarse



Aktivite 3:**Instriksion pou profeser:**

- Amenn zelev reflesi lor ek idantifie bann item ki servi pou preparasion briyani ek diskite lor bann ingredian nesese pou preparasion-la.
- Akonpagn bann zelev pou dres lalis tou ingredian ki nesese pou prepar briyani.
- Pou bann zelev ki finn reisi dres lalis konple?ingredian, demann zot fer bann fraz pou ekri reset briyani.

Instriksion pou zelev:

- Preparasion enn briyani poul.
- Dan zot kaye, fer enn lalis ingredian ki zotpanse bizin pou prepar enn briyani poul.





KREOL MORISIEN

Teacher's Guide: GRADE 8 - Lesson 3

Shopping

Aktivite 1: Anou fer diferans ant nom prop ek nom komin

Not pou profeser:

- Atraver sa aktivite-la, nou pou tous enn parti gramer setadir: nom prop ek nom komin.
- Dan sa aktivite-la, zelev pou aprann diferansie sa de kategori nom-la.
- Amenn zelev konpran karakteristik nom prop ek nom komin ek rekonet zot.
- Aktivite-la pou fer an group, bann flashcard avek bann nom pou plase alanver lor enn latab, sak group pou dezin en dimounn atourderol pou al plas enn mo/flashcard lor bann bristol-la (*enn pou nom komin ek enn lot pou nom prop*).
- Kan tou bann flashcard finn fini, profeser pou dir bann zelev ki group finn bien plas bann kart-la.

Instriksion pou zelev:

- (i) Kol sak flashcard avek enn nom lor bristol ki apropiye: swa lor bristol lor nom prop swa lor bristol lor nom komin.



kinkayri

vantilater

 iPhone

serviet

bazar

portmone

mayo-de-bin

Mr. Bricolage

chouridar

makiyaz



jaket



larmwar



OMARJEE



Batimex
Passion for Quality

kadi

Aktivite 2: Anou travay bann azektif

Instriksion pou profeser:

Dan sa aktivite-la, amenn bann zelev:

- dekrir enn foto
- enimer bann azektif dapre foto-la
- pozisyon bann azektif devan ou apre enn nom
- itiliz bann azektif dan enn fraz sinp aloral ek alekri

Aktivite-la pou fer an group

- Bann zelev pou travay ar bann kart kot pou ena zis bann azektif ek bann nom komin.
- Dapre nivo bann zelev, nou kapav amenn zot ekrire ou rakont enn ti zistwar apartir sa foto-la ouswa enn lot foto.

Instriksion pou zelev:

- Observ sa foto-la ek dekrir seki zot pe trouve.
- Itiliz bann kart ki finn donn zot pou pozisionn bann azektif.
- Konstrir bann fraz kot zot pe servi bann nom ek apektif ki finn done ek ekrire dan zot kaye.



soulie

larz

ver

kasket

hoody

kolore

desire

jinn

garson

retrouse

sak

zwaye

rouz

lour

zonn

miray

KREOL MORISIEN

Teacher's Guide: GRADE 8 - Lesson 4

Lamizik

Not pou profeser:

- Avan ki zot koumans klas, zot kapav itiliz bann informasyon ki vinn depi Grad 7 FP (*Lamizik Oral*) pou abòrd sa aktivite-la. Sa pou permet zot gagn inpe plis lide lor bann kategori ek tip instriman.

Anou Diskite:

Aktivite 1: Vibre ar Lamizik

- Observ ek ekout bien video ki zot profeser pou montre zot ou swiv lien ki zot pe trouve anba. "Madam Baya" par Lespri Ravann

Instriksion pou profeser:

- Profeser koumans so klas par montre sa video-la: "Madam Baya" par Lespri Ravann

<https://www.youtube.com/watch?v=FZGDi8aiedo>



- Demann bann zelev observ ek ekout bien video-la.
- Amenn zelev rekonet diferan tip instriman ki finn itilize dan sa performans-la.
- Apre vizyonaz video-la, poz kestion zelev ek not bann repons lor tablo.

Kestion observation:

1. Dekrir seki zot finn trouve ek tande dan sa video-la.
(instriman lamizik, santer, danser, ker, mikro, lalimier, dekor, etc.)
2. Ki 2 instriman finn fer enn long parti solo dan sa performans-la?
3. Kouma zot trouv performans santer-la?
4. Eski zot finn deza tann ou trouv sa kalite performans-la? Kotsa?
5. Ki kalite latmosfer ena lor lasenn-la?
6. Dapre zot, ki bann spektater pe resanti ouswa kouman zot pe reazir kan zot pe tann sa performans-la?
7. Zot, ki zot finn resanti kan video-la ti pe zwe?

- Dan enn deziem tan, profeser poz sa bann keston-la zelev:

Kestion diskision:

1. Kifer dapre zot, bann dimounn ekrire bann sante?
2. Eski kikenn dan klas konn ek kontan sante?
3. Eski kikenn dan klas konn ouswa ti anvi konn zwe enn instriman lamizik?
Si wi, ki instriman?
4. Ki zot resanti kan zot ekout enn lamizik ki zot kontan?
5. Eski tip lamizik ki zot ekoute ed zot? Kouman?
6. Dan ki bann moman/evannman nou zwe lamizik?
7. Kotsa nou kapav tann bann lamizik?
8. Ki bann metie ki relie ar lamizik?
9. Eski zot panse nou kapav viv ar enn metie dan domenn lamizik dan Moris?
10. Nomm bann plas kot nou kapav al fer sa bann metie-la.
11. Kan nou selebre Fet Lamizik?
12. Eski zot partisipe kan ena Fet Lamizik? Kifer?

- Profeser kapav azout lezot keston pou amenn zelev develop zot reflexion ek lespri kritik.

Aktivite 2: Dan lapo enn instriman

- (I) Anou travay nou imajinasion ek lespri kreatif atraver sa keston-la:
"Si to ti enn instriman lamizik, ki instriman to ti pou anvi ete e kifer?"
- (II) Dan prosenn klas, sak zelev pou vinn fer enn ti prezantasion devan klas lor instriman ki zot finn swazir.

Instriksion pou profeser:

- Amenn bann zelev travay zot limajinasion ek lespri kreatif atraver sa keston-la:
"Si to ti enn instriman lamizik, ki instriman to ti pou anvi ete e kifer?"
- Servi sa bann keston-la pou gid bann zelev abord sa aktivite-la:
- Dekrir zot personalite: eski zot enn dimounn ki ena boukou lenerzi? Ki touzour an mouvman? Kikenn ki trankil, dous, kalm? etc.

- Dapre zot, ki instriman pou al avek zot personalite?
- Kifer instriman-la rapros li avek sa personalite-la?
- Ki kalite lamizik zot ti pou kontan zwe?
- Ki santiman zot ti pou anvi transmet atraver zot bann not antan ki sa instriman-la?
- Kifer sa santiman-la pli inportan pou zot?
- Kan zot interazir avek bann dimounn (kamarad, fami, pros, profeser, etc.) dan lapo sa instriman-la, ki lefe zot ena lor bann-la?
(*Eski zot fer bann dimounn-la riye, fer zot reflesi, fer zot santi zot alez, ouswa motiv zot?*)
- Dapre instriman ki zot ete, dir lefe ki zot pou ena lor lodians?
Kouma instriman-la pou servi so son pou tous bann dimounn otour li?
- **Dan prosenn klas, sak zelev pou vinn fer enn ti prezantasion devan klas lor instriman ki li finn swazir.**

KREOL MORISIEN

Teacher's Guide: GRADE 8 - Lesson 5

Lamizik

Aktivite 1: Anou lir ek konpran

Instriksion pou profeser:

- Amenn zelev observ, analiz ek konpran sa poster-la.
- Akonpagn zelev pandan lektir anka zot ena difikilte.
- Akonpagn zelev pou konsolid konsians silabik ek/ou ortografik.
- Amenn zelev fer enn diskision lor seki zot pe trouve ek lir dan sa poster-la.
- Profeser kapav poz bann kestion koumsa ek ousi azout lezot:
 - Ki tip text sa? Ki fer zot pans-sa?*
 - Ki atir zot latansion dan sa poster-la?*
 - Ki bann instriman lamizik zot pe kapav idantifie?*
- Akonpagn zelev pou rod ek ekrir bann repons pou bann kestion ki swiv.

Aktivite 2: Observ sa poster-la.



I. Anserkle bon repons pou bann keston ki swiv.

1. Kan al sa festival-la, bizin amenn bann _____.
 - A. manze
 - B. instriman
 - C. zwe
 - D. tiket
2. Pou ena sa festival-la le _____.
 - A. 21 Zanvie
 - B. 21 Zin
 - C. 21 Zilyet
 - D. 21 Desam

3. Festival pou koumanse apartir _____.
 - A. 6^{er} gramatin
 - B. 7^{er} gramatin
 - C. 6^{er} tanto
 - D. 7^{er} tanto
4. Bann dimounn bizin al _____ pou partisip dan sa festival-la.
 - A. Curepipe
 - B. Mahebourg
 - C. Tamarin
 - D. Grand Baie
5. Pou tiket, kapav osi kontakte Stephanie par _____.
 - A. telefonn
 - B. let
 - C. e-mail
 - D. website

II. Met enn rayt kot fraz ki vre ek lakrwa kot fraz ki fos.

1. Fet-la pou deroule pre kot lesplanad.
2. *The Prophecy* pou sante sa zour-la.
3. Pou aste tiket, kapav pran zis lor laport.

III. Kestion ekri:

1. Ki mo ou expresion dan sa poster-la indike ki pou ena boukou lamizman?

2. Ki evennman ki pou ena dapre sa poster-la?

3. Donn trwa nom artis ki pou prezan zour sa evennman-la.
 - i) _____
 - ii) _____
 - iii) _____

4. Lor ki nimerò bizin kontakte Stepanie?

5. Lor ki sit bizin ale pou gagn plis informasyon?

Aktivite 3: Kree enn poster

Instriksyon pou profeser

- Amenn zelev devlop zot kreativite ek kree enn poster.
- Demann zelev amenn bann materyel pou desine.
- Ankouraz zelev desine ouswa fer kolaz bann instriman lamizik lor zot poster.
- Akonpagn bann zelev ekri bann detay inportan lor zot poster.

Pou ena fet lamizik dan zot kolez. Fer enn poster ki zot pou kole dan lakour lekol pou atir latansyon zelev ou profeser pou vinn partisipe. Zot kapav met bann informasyon dapre bann kesyon ki fin poza anba ek azout lezot informasyon ki zot panse nesese:

- Ki dat/mwa/ler?
- Ki bann item ki pou prezante?
- Kouma organizasyon pou pase?
- Ki dimounn bizin kontakte pou partisipe?